



Broj: 02-03-1363/20
Sarajevo, 30.12.2020. godine

Na osnovu čl. 14. stav (2) u vezi sa stavom (5), 18. stav (1), 25. u vezi sa članom 32. Zakona o javnim nabavkama („Službeni glasnik BiH“, broj 39/14), odredaba Pravilnika o javnim nabavkama roba, usluga i radova Kantonalnog stambenog fonda Sarajevo, broj: 02-02-331/2019 od 18.03.2019. godine i broj: 02-03-387/20 od 04.03.2020. godine, Plana javnih nabavki Kantonalnog stambenog fonda Sarajevo za 2020. godinu, i ovlaštenja iz člana 14. u vezi sa članom 16. Statuta Kantonalnog stambenog fonda Sarajevo, broj: 02-169-2/2006 od 06.02.2006. godine i broj: 01-1344-6/2012 od 27.07.2012. godine, Direktor Kantonalnog stambenog fonda Sarajevo, kao Ugovornog organa, d o n o s i

ODLUKU

o pokretanju postupka javne nabavke radova: Radovi u okviru „Modela poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljenje)“ u općinama Novo Sarajevo, Ilidža, Vogošća i Hadžići za individualne objekte u 2020. godini.

I

Odobrava se pokretanje postupka javne nabavke radova: Radovi u okviru „Modela poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljenje)“ u općinama Novo Sarajevo, Ilidža, Vogošća i Hadžići za individualne objekte u 2020. godini.

Javna nabavka iz stava 1. ove tačke podjeljena je na LOT-ove, kako slijedi:

- LOT 1: Radovi na poboljšanju energetske efikasnosti na individualnim stambenim objektima u Općini Novo Sarajevo;
- LOT 2: Radovi na poboljšanju energetske efikasnosti na individualnim stambenim objektima u Općini Ilidža;
- LOT 3: Radovi na poboljšanju energetske efikasnosti na individualnim stambenim objektima u Općini Vogošća;
- LOT 4: Radovi na poboljšanju energetske efikasnosti na individualnim stambenim objektima u Općini Hadžići;

Jedinstveni rječnik javne nabavke je: 45000000-7 -Građevinski radovi.

II

Zakonski osnov za provođenje postupka javne nabavke je sadržan u odredbama člana 25. Zakona o javnim nabavkama („Službeni glasnik BiH“, broj 39/14) – Otvoreni postupak.

III

Procijenjena ukupna vrijednost iz tačke I ove odluke iznosi **1,420,572.97 KM** bez PDV-a.

IV

Finansijska sredstva za realizaciju ove nabavke obezbijedena su Finansijskim planom Kantonalnog stambenog fonda Sarajevo za 2020. godinu, a vode se na Ekonomskom kontu broj: 5021– Troškovi nabavke radova u okviru „Modela poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljenje)“





Finansijska sredstva iz stava 1. ove tačke obezbijedena su na osnovu Sporazuma o saradnji na realizaciji „Modela poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljenje)“, broj: 05/03-14-34282/19 od 02.10.2020. godine, odnosno broj: 02-01-993/2019 od 30.09.2020. godine, i Sporazumâ o realizaciji „Modela poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljenje)“ potpisanih sa svim općinama koje su obuhvaćene ovom odlukom.

V

Vrsta postupka javne nabavke: Otvoreni postupak.

Predviđa se zaključivanje okvirnog sporazuma u skladu sa članom 32. Zakona o javnim nabavkama („Službeni glasnik BiH“, broj 39/14).

VI

Kriterij za dodjelu ugovora je „najniža cijena“.

Predviđa se provođenje e-aukcije u skladu sa sa Pravilnikom o uslovima i načinu korištenja e-aukcije („Službeni list BiH“, broj 66/16).

VII

Za realizaciju ove Odluke zadužuje se Odjel za projektovanje, nadzor i ostale tehničke poslove i Odjel za pravne i ekonomske poslove.

VIII

Ova odluka stupa na snagu danom donošenja.

Obrazloženje

Odredbom člana 14. st. (2) i (5) Zakona o javnim nabavkama („Službeni glasnik BiH“, broj 39/14), između ostalog, propisano je da se otvoreni postupak provodi i za slučaj kada je vrijednost nabavke robe, radova ili usluga jednaka ili veća od vrijednosti iz tačke b) istog stava, te da je ugovorni organ dužan dodatno oglasiti i sažetak obavještenja na engleskom jeziku na portalu Agencije i URŽ-a.

Odredbom člana 18. stav (1) Zakona o javnim nabavkama („Službeni glasnik BiH“, broj 39/14) propisano je da ugovorni organ pokreće postupak javne nabavke donošenjem odluke u pisanom obliku koja obavezno sadrži zakonski osnov za provođenje postupka javne nabavke, predmet nabavke, procijenjenu vrijednost nabavke, podatke o izvoru finansiranja i vrstu postupka javne nabavke.

Odredbom člana 25. Zakona o javnim nabavkama („Službeni glasnik BiH“, broj 39/14) propisane su dužnosti ugovornog organa u provođenju postupka javne nabavke putem otvorenog postupka.

Oredbama člana 32. Zakona o javnim nabavkama („Službeni glasnik BiH“, broj 39/14) propisana je mogućnost zaključivanja okvirnog sporazuma nakon provedenog otvorenog postupka javne nabavke.

Planom Javnih nabavki Kantonalnog stambenog fonda Sarajevo za 2020. godinu planirana je nabavka radova: Radovi u okviru „Modela poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljenje)“ u općinama Novo Sarajevo, Ilidža, Vogošća i Hadžići za individualne objekte u 2020-Otvoreni postupak.


Potreba za konkretnom javnom nabavkom iskazana je u realnim okvirima i kreće se do 1,420,572.97 KM bez PDV-a, te je odlučeno da se pristupi provođenju nabavke putem Otvorenog postupka.





Finansijska sredstva za realizaciju ove nabavke obezbijedena su Finansijskim planom Kantonalnog stambenog fonda Sarajevo za 2020. godinu, na Ekonomskom kontu broj: 5302 – Troškovi nabavke radova na sanaciji liftova Kantona Sarajevo., a na osnovu Sporazuma o realizaciji Programa sanacije liftova Kantona Sarajevo u 2020. godini, broj: 05/03-19-24677-3-1/20 od 14.08.2020. godine, odnosno broj: 02-03-909/20 od 14.08.2020. godine.

Po ovlaštenju broj: 02-03-815/20
od 15.07.2020. godine
POMOĆNIK DIREKTORA



Dostaviti :

- Odjel za projektovanje, nadzor i ostale tehničke poslove,
- Odjel za pravne i ekonomske poslove,
- U evidenciju
- Arhivi

